

榕林四景詩稿

望裡三盞酒風月佳時一曲歌乘興徘徊
情已適虎邱十倍欲為何

披襟臺

新築高臺不覆茅登臨遙望海環郊千
家樓閣連三島萬里舟帆聚一坳玉塵
清談心已豁仙棋閒著慮全拋獨憐日
夕天風起竹影松濤面之交

題為

荔厓宗老先生

釣鰲亭

整辭鵷鷺返蓬蒿
鑿沿江頭引翠濤
入鏡煙霞開畫景
環亭闌檻俯金鰲
一竿寄意清風遠
十載消閒野興豪
為憶閣公當日事
釣亭應並釣磯高

蹋雲遲

謾言天漢遠迢迢
眼底煙雲近可招
鑿翠鋤青通小徑
吟風弄月上層霄
客如仙侶登瀛島
人恍天台渡石橋
最是輞川多勝景
時時來往共逍遙

百人石

綠榕影裏數青螺
愛此雲根頂似磨
四面環觀方覺峻
百人齊上未云多
江山

多公清興屢招遊池館春宵更覺幽躍
水有聲魚吸露穿亭流影月懸勾微茫
山色煙中畫錯落燈光海上樓對酒談
詩消靜景不知身在小瀛洲

過榕林別墅訪荔厓先生

靜中相念便相尋咫尺幽居綠滿林雨
過蒼苔添鳥跡風迴碧漢起龍吟談詩
許久雲生席戰茗酣餘月在襟更約明
朝掃花筵層臺猶許坐濃陰

丙戌六月避暑榕林即景書懷

怯暑朝來避密林石窗藜榻稱幽心鷓
鴒啼罷蟬聲起置我萬山深又深

夏日過榕林與荔厓先生閒話

島上火雲連大暑燒山莫海更蒸人惟
有先生深樹底別開世界絕紅塵

其二

陰厓掃葉鋪籐簟別館迎薰啓竹窗隨
意披襟吐冰雪不知明月上滄江

草菴彬